

CONVENIO DE COLABORACIÓN ENTRE A VICEPRESIDENCIA PRIMEIRA E CONSELLERÍA DE PRESIDENCIA, XUSTIZA E TURISMO, AUGAS DE GALICIA E A FUNDACIÓN UNIVERSIDADE DA CORUÑA PARA O PROXECTO "FORTALECEMENTO DE CAPACIDADES TÉCNICAS E OPERATIVAS PARA A MELLORA DA XESTIÓN DOS RECURSOS HÍDRICOS EN MOZAMBIQUE (AQUA-MOZ 2ª FASE)"

A Coruña, 15 de marzo de 2021

REUNIDOS

Dunha parte, Alfonso Rueda Valenzuela, vicepresidente primeiro e conselleiro de Presidencia, Xustiza e Turismo, actuando en nome e representación da Xunta de Galicia, en virtude do Decreto 112/2020, do 6 de setembro, polo que se nomean os titulares dos departamentos da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa presidencia.

Doutra, Ethel María Vázquez Mourelle, conselleira de Infraestruturas e Mobilidade, nomeada polo Decreto 112/2020, do 6 de setembro, en nome e representación da entidade pública empresarial Augas de Galicia, no exercicio das funcións atribuídas polos artigos 13 da Lei 9/2010, do 4 de novembro, de augas de Galicia e 6 do Estatuto da entidade pública empresarial Augas de Galicia, aprobado polo Decreto 32/2012, do 12 de xaneiro.

Doutra, José María Barja Pérez, actuando en calidade de Presidente do Padroado da Fundación Universidade da Coruña con NIF G-15597289, segundo nomeamento acordado no Padroado celebrado o 18 de novembro de 2004.

As partes comparecentes recoñécense mutuamente plena lexitimación e capacidade de representación para a sinatura do presente convenio e, a estes efectos,

EXPOÑEN

Primeiro.- A Lei 3/2003, do 19 de xuño, de cooperación para o desenvolvemento establece, no seu artigo 2, como obxectivo e ámbito de actuación preferente da Cooperación Galega, apoiar aos países con menor grao de desenvolvemento, en especial aqueles que conteñan amplas capas da súa sociedade en extrema situación de necesidade, potenciar os recursos humanos e materiais deses pobos e atender as situacións de emerxencia das poboacións máis desfavorecidas.

Así mesmo, no seu artigo 3 establece os principios nos que se baseará a cooperación galega para o desenvolvemento, os cales, en virtude do artigo 5 desa lei, vinculan a todas as políticas e actuacións da Xunta de Galicia neste ámbito.

Así, no artigo 3 letra h) da dita lei, establécese que a cooperación galega basearase na presenza e compromiso activo na exposición das verdadeiras causas e solucións do empobrecemento e na petición aos poderes públicos correspondentes da adopción de medidas que sexan máis eficaces para acadar o desenvolvemento dos países do sur.



Segundo.- Doutro lado, o IV Plan director da cooperación galega establece, como ámbito estratéxico, o de promover o exercicio dos dereitos sociais básicos, entre os que se atopa o dereito á auga, polas persoas e colectivos máis pobres e vulnerables e, no seu apartado 4.1, refírese ás prioridades xeográficas, entre as que se atopa Mozambique.

En consonancia co anterior, o Plan anual 2021 establece que no ámbito da cooperación técnica se dea continuidade á colaboración con Augas de Galicia en materia de xestión de recursos hídricos en Mozambique. Desde o ano 2012, Cooperación Galega, Augas de Galicia e a Universidade da Coruña, apoian a xestión dos recursos hídricos en Mozambique con proxectos orientados ao fortalecemento institucional das administracións da auga. Este traballo permitiu desenvolver un profundo coñecemento da problemática da xestión hídrica en Mozambique e, á súa vez, ten colocado a Galicia como referencia na xestión dos recursos hídricos.

O presente convenio está en liña coa Estratexia de resposta á Covid-19 da Cooperación Galega elaborada pola Vicepresidencia Primeira e Consellería de Presidencia, Xustiza e Turismo complementaria do IV Plan Director da Cooperación Galega (2018-2021), consensuada cos Axentes de Cooperación colaboradores e aprobada no Consello Galego de Cooperación para o Desenvolvemento, a cal naceu coa vontade de adaptar o Plan director vixente ao novo contexto de Pandemia global, de tal xeito que os seus recursos e instrumentos respondan con eficacia ás novas demandas e necesidades das comunidades sociais e dos axentes de cooperación. Esta estratexia sinala, como un dos seus ámbitos estratéxicos *"promover o exercicio dos dereitos sociais básicos (saúde, educación, alimentación, hábitat, auga e saneamento básico"* entre os que se atopa o proxecto obxecto deste convenio e acorda respectar as prioridades xeográficas do IV Plan director que complementa.

Terceiro.- A Xunta de Galicia, de acordo co exercicio das competencias e funcións mencionadas, vén executando proxectos e programas en países cun baixo índice de desenvolvemento humano por medio dos instrumentos de cooperación técnica e económica en colaboración con outros entes, públicos e privados, co criterio orientador de que as transferencias de coñecemento inducen á innovación e ao fortalecemento das capacidades técnicas nos países receptores, coaduvando desta forma no mellor desenvolvemento das súas competencias e funcións.

Dada a experiencia e capacidades que a Xunta de Galicia ten acumuladas no ámbito da xestión dos recursos hídricos, considérase que neste sector se pode aportar un maior valor engadido nas súas intervencións, tal e como se vén poñendo de manifesto en diversas rexións e países, particularmente en Mozambique, onde existe un importante traballo de acompañamento e apoio coordinado coas administracións e institucións con competencia en materia de xestión de recursos hídricos, ao que se espera dar continuidade nos vindeiros anos.

Cuarto.- A Dirección Xeral de Relacións Exteriores e coa Unión Europea, órgano superior da Administración autonómica da cooperación ao desenvolvemento, consonte o establecido no artigo 37 do Decreto 214/2020, do 3 de decembro, polo que se establece a estrutura orgánica da Vicepresidencia Primeira e Consellería de Presidencia, Xustiza e Turismo, considera axeitado e conveniente contribuír á mellora da xestión dos recursos hídricos en

Mozambique como medio para loitar contra os efectos extremos derivados do cambio climático.

Quinto.- A entidade pública empresarial Augas de Galicia, adscrita á Consellería de Infraestruturas e Mobilidade en virtude do Decreto 130/2020, do 17 de setembro, polo que se fixa a estrutura orgánica das vicepresidencias e das consellerías da Xunta de Galicia, é a entidade a través da cal a Xunta de Galicia aplica e garante os principios que rexen a xestión pública da auga e o ente público que se constitúe no instrumento central da política de auga en Galicia. Así mesmo, e, de acordo co artigo 17.C.c) do Estatuto de Augas de Galicia, realiza funcións relativas á cooperación nacional e internacional en materia de infraestruturas hidráulicas.

A través da experiencia acumulada na xestión dos recursos hídricos, Augas de Galicia considera de gran utilidade compartir os seus coñecementos cos países en desenvolvemento que os precisen, entre os cales se atopa Mozambique.

Sexto.- A Fundación Universidade da Coruña (en diante FUAC) ten personalidade xurídica propia e plena capacidade de obrar como organización non lucrativa, vinculada á Universidade da Coruña para a promoción, desenvolvemento e apoio ao financiamento de iniciativas e actividades coa misión de promover a investigación, a formación, o emprego e a transferencia de coñecemento en colaboración coa Universidade, impulsando a participación de entidades públicas e privadas no desenvolvemento social e económico da sociedade.

A FUAC ten como obxecto fundacional nos seus estatutos a realización de actividades a nivel local, autonómico, estatal ou internacional, relacionadas coa cultura, a ciencia, a tecnoloxía, a educación, a formación, a investigación, o emprego, a acción social e a cooperación para o desenvolvemento.

Sétimo.- A xestión dos recursos hídricos e o fortalecemento das administracións responsables é unha prioridade en Mozambique. O desenvolvemento de actividades que vinculen melloras técnicas e procesos de xestión nun mesmo plano de acción identificouse como unha formulación de éxito na Cooperación Galega coa administración da auga de Mozambique.

O presente proxecto Aqua-Moz, Secara 2ª Fase é continuidade das anteriores accións desenvolvidas no marco do convenio asinado o 6 de agosto de 2019 por estes mesmos autores no marco da xestión da seca en Mozambique. O proxecto pretende contribuír, no marco da loita e prevención contra os efectos do cambio climático, á mitigación dos impactos dos eventos de seca en Mozambique, fortalecendo á Administración Rexional de Augas do Sur e á Universidade Eduardo Mondlane.

No ano 2019 durante a primeira fase de execución do proxecto identificouse e comezouse a desenvolver a liña de acción centrada na seca do presente proxecto, coa que, traballouse no desenvolvemento e implementación dun sistema de monitoreo da seca na conca dos ríos Umbeluzi e Incomati; definíronse os procedementos xerais de xestión e do funcionamento interno da ARA Sur en relación á xestión da seca; e mellorouse o monitoreo do estado dos embalses. Este traballo terá continuidade con esta segunda fase na que as accións centraranse na ampliación das concas monitoreadas e na mellora dos procedementos de xestión.

Oitavo.- As actividades obxecto do proxecto son de claro interese público e inciden directamente no ámbito da cidadanía en xeral, e, a súa singularidade, especificidade e necesidade de coordinación entre as entidades asinantes, xustifican que a axuda solicitada se tramite por medio da formalización dun convenio de colaboración.

Por todo o anterior, as partes acordan asinar o presente documento que se desenvolverá de acordo coas seguintes

CLÁUSULAS

PRIMEIRA.- Obxecto

O presente convenio ten por obxecto establecer as condicións polas que se rexerá a colaboración entre a Vicepresidencia primeira e Consellería de Presidencia, Xustiza e Turismo, Augas de Galicia e a FUAC no proxecto denominado "Fortalecemento de capacidades técnicas e operativas para a mellora da xestión dos recursos hídricos en Mozambique (AQUA-MOZ 2ª FASE)", segundo o establecido no anexo I que se xunta ao presente convenio.

O proxecto ten como obxectivo xeral o de contribuír á prevención e mitigación dos impactos do cambio climático en Mozambique en relación aos impactos derivados de eventos hidrolóxicos extremos e a escaseza de auga, a través do fortalecemento das capacidades técnicas e operativas para a mellora da xestión dos recursos hídricos con enfoque de conca en Mozambique.

SEGUNDA.- Obrigas da FUAC

A FUAC deberá:

- Executar o proxecto referido na cláusula primeira.
- Aportar os recursos humanos e/ou materiais necesarios para a correcta execución do convenio, para o cal poderase recorrer tanto a recursos propios como a terceiras fontes ou a diversos patrocinadores externos. Neste último caso, deberase comunicar previamente á Dirección Xeral de Relacións Exteriores e coa Unión Europea, quen terá que autorizala. Para esta autorización deberase enviar o compromiso da entidade colaboradora en relación a dita aportación.
- Destinar os fondos percibidos para financiar esa actuación.
- Consentir expresamente a publicación da axuda concedida no Diario Oficial de Galicia, na páxina web oficial e nos rexistros públicos, consonte co establecido no artigo 15 da Lei 1/2016, do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia, no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006 e no artigo 16 da Lei 9/2007, do 13 de xuño, de subvencións de Galicia.
- Dar axeitada publicidade do carácter público do financiamento das actuacións obxecto do convenio, ao cumprimento de todas as condicións e obrigas recollidas neste convenio e ao sometemento ás actuacións de supervisión e control previstas nel, así como as xerais

derivadas da aplicación da normativa de axudas e subvencións, de acordo co disposto na Lei 9/2007, do 13 de xuño, de subvencións públicas de Galicia e o Decreto 11/2009, do 8 de xaneiro, polo que se aproba o Regulamento da Lei de subvencións de Galicia.

- Prestar a colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma e ao Consello de Contas de Galicia.
- Conservar todos os comprobantes de gasto durante un período de 4 anos, coa excepción dos casos suficientemente xustificadas e autorizados pola Dirección Xeral de Relacións Exteriores e coa Unión Europea.
- Estar ao corrente no cumprimento das obrigas tributarias e fronte á Seguridade Social española e non ter pendente de pagamento ningunha outra débeda coa Administración pública da Comunidade Autónoma de Galicia, nin ser debedor por resolución de procedencia de reintegro. A entidade, conforme co establecido no artigo 20.3 da Lei 9/2007, do 13 de xuño, de subvencións de Galicia, autoriza ao órgano xestor para solicitar as certificacións que deban remitir a Axencia Estatal da Administración Tributaria, a Tesourería Xeral da Seguridade Social e a consellería competente en materia de economía e facenda da Xunta de Galicia.
- Velar porque tanto os restantes partícipes como a cidadanía con ela relacionada teñan coñecemento do financiamento desembolsado pola Xunta de Galicia e do apoio desta á acción.
- Solicitar autorización previa e expresa para calquera modificación substancial do proxecto, entendendo por tal aquela que afecte a aspectos cualitativos dos seus obxectivos, resultados ou poboación destinataria, así como ao lugar ou prazo de execución ou xustificación do proxecto. As solicitudes de modificacións substanciais do convenio deberán estar suficientemente motivadas e ser formuladas por escrito dirixido ao director xeral de Relacións Exteriores e coa Unión Europea, que resolverá e notificará no prazo dun mes sobre a súa autorización ou denegación.

TERCEIRA.- Financiamento

O custo das actuacións que financia este convenio ascenderá a un importe total de cento vinte e cinco mil euros (125.000,00 €) que serán aportados coa seguinte desagregación:



Vicepresidencia primeira		Augas de Galicia	
2021	2022	2021	2022
43.203,00	6.797,00	56.578,25	18.421,75
50.000,00		75.000,00	

- A Vicepresidencia primeira e Consellería de Presidencia, Xustiza e Turismo aportará con cargo á partida 05.26.331A.490.0 a contía máxima de cincuenta mil euros (50.000,00 €), distribuídos nas anualidades 2020 e 2021 segundo o establecido no cadro anterior.

- Ao comezo dos exercicios orzamentarios 2021 e 2022, Augas de Galicia achegaralle á Vicepresidencia, previa solicitude desta, a contía correspondente a cada exercicio desde a conta 6519 "subvencións correntes ao exterior" do Plan Xeral da Contabilidade Pública de

Galicia, que pasará a incrementar a dotación orzamentaria inicial da Vicepresidencia, en atención á unificación da xestión económica do convenio.

Aos efectos de xustificación perante Augas de Galicia dos fondos aportados, e trala correcta xustificación anual pola FUAC do emprego dos fondos percibidos e verificada a súa pertinencia pola Vicepresidencia primeira e Consellería de Presidencia, Xustiza e Turismo, esta emitirá unha certificación de idoneidade do gasto, que será remitida a Augas de Galicia, para a súa constancia a efectos de gasto realizado e pagado á FUAC.

A FUAC poderá recorrer a terceiras fontes ou a diversos patrocinadores externos, previa consulta á Dirección Xeral de Relacións Exteriores e coa Unión Europea, pero en calquera caso todo incremento nos custos de execución será a risco e ventura da FUAC, quen asumirá os custos asociados aos proxectos derivados da supervisión técnica, para dar fiel cumprimento aos obxectivos do proxecto.

CUARTA.- Pagamentos e anticipos

Trala sinatura do presente convenio, previa petición da FUAC á Dirección Xeral de Relacións Exteriores e coa UE e, unha vez tramitada a xeración e crédito procedente de Augas de Galicia no estado de gastos da Vicepresidencia primeira e Consellería de Presidencia, Xustiza e Turismo, concederáse un anticipo pola contía máxima da anualidade 2021, de acordo co previsto na Disposición adicional segunda da Lei 9/2007, do 13 de xuño, de subvencións de Galicia, para afrontar os pagos inmediatos na execución deste proxecto. Coa solicitude do anticipo deberá presentar:

- Declaración asinada dixitalmente polo representante legal da FUAC do conxunto das axudas recibidas doutras entidades públicas ou privadas para o mesmo fin, de acordo co establecido nos artigos 11 letra d) da citada Lei 9/2007 e 22 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.
- Xustificación, a través de declaración asinada dixitalmente polo representante legal da FUAC de estar ao corrente no cumprimento das obrigas tributarias e fronte á Seguridade Social española e non ter pendente de pago ningunha outra débeda coa Administración pública da Comunidade Autónoma de Galicia, nin ser debedor por resolución de procedencia de reintegro de acordo co establecido no artigo 11 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

O pago da subvención da anualidade 2022 efectuarase mediante pago anticipado, unha vez xustificada a anualidade anterior segundo o disposto na cláusula seguinte, previa petición da FUAC e unha vez tramitada a xeración e crédito procedente de Augas de Galicia no estado de gastos da Vicepresidencia primeira e Consellería de Presidencia, Xustiza e Turismo.

Xunto a esta solicitude achegaranse nos mesmos termos tanto a declaración do conxunto das axudas recibidas doutras entidades públicas ou privadas para o mesmo fin como a declaración de estar ao corrente no cumprimento das obrigas tributarias e fronte á Seguridade Social mencionados arriba para o pagamento da primeira anualidade.

Os fondos faranse chegar por transferencia bancaria á conta corrente que a FUAC indique mediante a presentación da certificación na que conste a súa titularidade, non asumindo a Xunta de Galicia os gastos bancarios que se derivasen desta actuación.

QUINTA. Xustificación dos pagamentos

Conforme co establecido no artigo 28.2 da Lei 9/2007, do 13 de xuño, de subvencións de Galicia, a primeira anualidade xustificárase dentro do primeiro trimestre do ano seguinte, coa documentación que se sinala na cláusula seguinte.

Para a xustificación da anualidade 2021 a FUAC deberá presentar:

- Informe anual sobre as tarefas realizadas e os resultados obtidos, asinado dixitalmente.
- Certificación asinada dixitalmente polo representante legal da FUAC dos gastos realizados e pagados na anualidade 2021, emitida pola Intervención ou o órgano que teña atribuídas as facultades de control da toma de razón en contabilidade e do cumprimento da finalidade para a que foi concedida, conforme co establecido no artigo 28.5 da Lei 9/2007, do 13 de xuño, de subvencións de Galicia.
- Certificación asinada dixitalmente polo representante legal da FUAC sobre os custos administrativos e de xestión.

A xustificación final efectuarase por parte da FUAC mediante a presentación da xustificación da execución das actividades subvencionadas, nun prazo máximo de tres meses, a contar dende a finalización das actividades programadas, de conformidade co establecido no artigo 28 da Lei 9/2007, do 13 de xuño, de subvencións de Galicia, e con data límite do 31 de xuño de 2022.

A xustificación final da realización das actividades subvencionadas e da consecución dos obxectivos previstos realizarase de conformidade co establecido no artigo 28.5 da Lei 9/2007. Para isto a FUAC deberá presentar:

Informe final sobre os obxectivos, as actividades realizadas e os resultados obtidos, asinado dixitalmente.

Certificación asinada dixitalmente polo representante legal da FUAC acreditativa do cumprimento da finalidade para a que foi concedida a subvención e da aplicación dos fondos á finalidade destinada.

Certificación asinada dixitalmente polo representante legal da FUAC da totalidade dos gastos realizados e pagados na execución deste convenio, conforme co que establece o artigo 28.5 da Lei 9/2007, do 13 de xuño, de subvencións de Galicia.

- Certificación asinada dixitalmente polo representante legal da FUAC sobre os custos administrativos e de xestión.
- Declaración asinada dixitalmente polo representante legal da FUAC do conxunto das axudas recibidas doutras entidades públicas ou privadas para o mesmo fin, de acordo co establecido nos artigos 11 letra d) da citada Lei 9/2007 e 22 do Decreto 11/2009, do 8 de



xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

A alteración das condicións tidas en conta para a concesión das subvencións e, en todo caso, a obtención concorrente de axudas outorgadas por outras administracións, entes públicos ou privados, poderá dar lugar á modificación da resolución de concesión.

Esta subvención será compatible con calquera outra procedente doutras administracións públicas ou entes públicos ou privados para a mesma finalidade, sempre que o importe total das mesmas non supere o custo total do proxecto subvencionado.

Os rendementos financeiros que fosen xerados polos fondos librados aos beneficiarios incrementarán o importe da subvención concedida e aplicaranse igualmente ás actividades subvencionadas.

SEXTA.- Facultades de inspección

A Vicepresidencia primeira e Consellería de Presidencia, Xustiza e Turismo, a través dos seus servizos técnicos, resérvase a facultade de realizar as inspeccións e comprobacións que considere necesarias co fin de asegurar o cumprimento das normas e requisitos cos que se concede esta axuda.

SÉTIMA.- Publicidade

A FUAC obrígase a incorporar de forma visible en todas as accións derivadas das actividades subvencionadas (placas, letreiros, carteis, publicacións, material de difusión, publicidade e outros medios análogos) os logotipos oficiais da Xunta de Galicia, da Cooperación Galega e de Augas de Galicia, todo iso en formato duradeiro e material resistente para a debida difusión da orixe da subvención. Cando a organización financiada exhiba o seu propio logotipo, o da Xunta de Galicia, o da Cooperación Galega e o de Augas de Galicia deberán figurar co mesmo tamaño e con iguais condicións de seguridade.

OITAVA.- Seguimento do convenio

Para facilitar o seguimento e cumprimento do convenio, constituirase unha Comisión Mixta, integrada como mínimo por un representante da Vicepresidencia primeira e Consellería de Presidencia, Xustiza e Turismo, designado pola Dirección Xeral de Relacións Exteriores e coa Unión Europea, un representante de Augas de Galicia e un representante da FUAC.

A Comisión Mixta ditará a súas propias normas de funcionamento, debéndose reunir cando se solicite algunha das partes.

As súas funcións serán:

- Interpretación do convenio.
- Intervención previa á resolución por incumprimento.
- Calquera outra relacionada co desenvolvemento do presente convenio.



NOVENA.- Causas de resolución

O presente convenio resolverase:

- a) Por incumprimento total ou parcial dalgunha das estipulacións que o regulan.
- b) Pola aplicación dos fondos a fins distintos dos que motivaron a súa concesión.
- c) Polo transcurso do tempo fixado sen que se execute o investimento obxecto da subvención.
- d) Polo desistimento da FUAC.

De resolverse o convenio, a Vicepresidencia primeira e Consellería de Presidencia, Xustiza e Turismo poderá, no seu caso, esixir o reintegro das cantidades achegadas. Igualmente, de conformidade co disposto no artigo 17.3 da Lei 9/2007, do 13 de xuño, procederá o reintegro do exceso percibido no suposto de que o importe da axuda, illada ou en concorrencia con subvencións ou axudas, ingresos ou recursos, supere o custo da actividade subvencionada.

DÉCIMA.- Vixencia do convenio

O presente convenio manterá a súa vixencia ata o 31 de marzo de 2022, incluíndo as actuacións iniciadas dende o mes de marzo de 2021, conforme ao establecido nos artigos 2 apartado 1.b) da Lei 9/2007, do 13 de xuño, de subvencións de Galicia e 2.2.b do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, sen prexuízo da execución anticipada e conforme, a plena satisfacción, dos gastos cofinanciados pola achega da Xunta de Galicia.

UNDÉCIMA.- Natureza do convenio

O presente convenio ten natureza administrativa e as discrepancias que xurdan pola súa aplicación serán resoltas no prazo dun mes, previo informe ou proposta da Comisión Mixta, pola Vicepresidencia primeira e Consellería de Presidencia, Xustiza e Turismo, quedando as partes suxeitas á xurisdición contencioso-administrativa nos termos establecidos na Lei 29/1998, do 13 de xullo, reguladora da Xurisdición Contencioso-administrativa, para a resolución de calquera conflito que puidese xurdir na súa aplicación.

A subscrición do presente convenio non implicará relación laboral, ou de calquera outra natureza, entre as persoas ou profesionais que desenvolvan as accións que constitúen o obxecto deste convenio coa Xunta de Galicia, de tal maneira que por este concepto non se poderá esixir responsabilidade algunha, nin directa nin subsidiaria.

DODÉCIMA.- Portal da Transparencia

As partes asinantes do convenio manifestan o seu consentimento para que os datos persoais que constan neste convenio, así como o resto das especificacións contidas nel, poidan ser publicados no Portal da Transparencia e Goberno Aberto.

En cumprimento do disposto nos artigos 18 e 20.8 da Lei 38/2003, do 17 de novembro, xeral de subvencións, comunicarase a subscrición deste convenio á Base de Datos Nacional de Subvencións, que opera como sistema nacional de publicidade de subvencións.

DÉCIMO TERCEIRA.- Reintegro por incumprimento

Se a entidade beneficiaria incorrese en falsidade ou ocultación de datos ou non acreditase, total ou parcialmente, o bo fin das cantidades percibidas, deberá proceder ao reintegro da totalidade destas en caso de incumprimento pleno, ou da parte proporcional en caso dunha falta parcial de xustificación, sen prexuízo da esixencia das responsabilidades administrativas e penais a que proceda.

Así mesmo, a entidade beneficiaria deberá reintegrar a subvención nos demais supostos previstos na normativa de aplicación.

DÉCIMO CUARTA.- Normativa aplicable

O presente convenio rexeráse polo disposto na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, no Decreto 29/2017, do 9 de marzo, de cooperación para o desenvolvemento, na Lei 1/2016, do 18 de xaneiro, de transparencia e bo goberno, na Lei de orzamentos xerais da Comunidade Autónoma para o ano 2021 e demais normativa que sexa de aplicación.

E, en proba de conformidade co expresado neste convenio, asínase por triplicado polas partes comparecentes no lugar e data que se sinalan no encabezamento.

POLA VICEPRESIDENCIA PRIMEIRA E
CONSELLERÍA DE PRESIDENCIA,
CULTURA E TURISMO
VICEPRESIDENTE PRIMEIRO E
CONSALLEIRO




Alfonso Rueda Valenzuela

POR AUGAS DE GALICIA,
A PRESIDENTA



Ethel María Vázquez Mourelle

POLA FUNDACIÓN UNIVERSIDADE DA CORUÑA,
O PRESIDENTE DO PADROADO



José María Barja Pérez

ANEXO I

OBXECTIVO ESPECÍFICO: Fortalecemento de capacidades técnicas y operativas para la mellora de la xestión de los recursos hídricos con enfoque de conca en Mozambique, con énfase en los eventos de seca.

Resultado 1: Consolidada e implementada unha metodoloxía para o monitoreo da seca no río Limpopo

Actividade 1.1. Caracterización da seca na conca do río Limpopo-presa Massingir

Actividade 1.2. Deseño dunha metodoloxía del monitoreo da seca na conca do río Limpopo.

Actividade 1.3. Realización de acciones formativas sobre o monitoreo da seca.

Actividade 1.4. Acompañamento na implementación da metodoloxía de monitoreo da seca e revisión de resultados e análise

Resultado 2: Mellorados os procedementos de xestión dos eventos de seca.

Actividade 2.1. Implementación do manual de procedementos operativos internos vinculados ao monitoreo e xestión da seca

Actividade 2.2. Adaptación do manual de procedemento operativos para a xestión da seca do ARA Sul para a súa aplicación a nivel nacional.

FINANCIAMENTO

	Vicepresidencia		Augas de Galicia	
	2021	2022	2021	2022
Persoal			37.500,00	12.500,00
Viaxes	5.890,50	5.859,50	14.859,50	4.515,50
Servizos Técnicos	34.500,00			
G. de xestión	2.812,50	937,50	4.218,75	1.406,25
TOTAL	43.203,00	6.797,00	56.578,25	18.421,75
TOTAL POR FINANCIADOR	50.000,00		75.000,00	



